

# ERINDISBRÉF

## Lýðheilsu- og æskulýðsnefnd Hrunamannahrepps

### I. Kafli: Almenn ákvæði

#### 1. gr.

Lýðheilsu- og æskulýðsnefnd er skipuð af sveitarstjórn Hrunamannahrepps og heyrir beint undir hana. Nefndin er jafnframt samstarfsvettvangur Skeiða- og Gnúpverjahrepps í málefnum Félagsmiðstöðvarinnar Zero.

Lýðheilsu- og æskulýðsnefnd skal starfa samkvæmt ípróttalögum nr. 64/1998, æskulýðslögum nr. 70/2007 sem og öðrum gildandi lögum og reglugerðum sem varða störf nefndarinnar hverju og þeim verkefnum sem sveitarstjórn felur henni.

#### 2. gr.

Lýðheilsu- og æskulýðsnefnd er skipuð þremur aðalmönnum og þremur til vara. Sveitarstjórn Hrunamannahrepps skipar formann nefndarinnar en að öðru leyti skiptir nefndin með sér verkum.

Á fundum nefndarinnar fyrir Félagsmiðstöðina Zero á að auki sæti einn fulltrúi Skeiða- og Gnúpverjahrepps sem hefur atkvæðisrétt í þeim málefnum er lúta að starfsemi félagsmiðstöðvarinnar.

Auk ofanefndra fulltrúa á sveitarstjóri rétt til fundarsetu með málfrelsi og tillögurétt sem og starfsmaður Heilsueflandi uppsveita. Þá er einnig heimilt að kalla til á fundi nefndarinnar sérhvern þann er tengist málum sem fjallað er um hverju sinni. Starfsmönnum stofnana sveitarfélagsins er skylt að sitja fundi nefndarinnar sé þess óskað.

#### 3. gr.

Markmið með starfi Lýðheilsu- og æskulýðsnefndar er að vinna að íprótta, lýðheilsu og æskulýðsmálum í Hrunamannahreppi, einkum og sér í lagi í tengslum við þær stofnanir sem reknar eru í sveitarfélaginu og fylgja eftir þeim stefnum og markmiðum sem sveitarstjórn hefur sett varðandi þá málaflokka sem undir nefndina heyra. Nefndin skal í störfum sínum ávallt setja almannahagsmuni ofar hvort heldur er sínum eigin eða einstakra hópa. Lýðheilsu- og æskulýðsnefnd er ráðgefandi nefnd og þurfa tillögur hennar umfjöllun og afgreiðslu sveitarstjórnar. Nefndin getur enga bindandi ákvörðun tekið nema með samþykki sveitarstjórna, nema nefndinni hafi áður verið falin fullnaðarafgreiðsla einstakra mála. Ákvarðanir Lýðheilsu- og æskulýðsnefndar sem hafa í för með sér fjárhagslegar skuldbindingar umfram fjárhagsáætlun, eru ekki bindandi fyrir sveitarfélagið fyrr en þær hafa hlotið staðfestingu sveitarstjórnar.

### II. Kafli: Verkefni

#### 4. gr.

Meginhlutverk Lýðheilsu- og æskulýðsnefndar er sem hér segir:

- vera sveitarstjórn til ráðgjafar í málefnum sem undir nefndina heyra,
- gera tillögur til sveitarstjórnar um markmið og stefnur í málaflokkum sem undir nefndina heyra,
- veita umsögn um gjaldskrár og tillögur forstöðumanna vegna fjárhagsáætlunargerðar stofnana innan starfssviðs síns,
- vera tengiliður félagasamtaka sem vinna að málaflokkum sem undir nefndina heyra og leitast við að samræma störf þeirra,
- vinna að heilsueflingu, bættu æskulýðs- og ípróttastarfi í sveitarfélaginu og hafa samstarf við aðra aðila sem að þeim málum koma,
- fylgjast með starfsemi þeirra stofnana sem undir nefndina heyra s.s. sundlaugar, ípróttahúss, leikvalla, Félagsmiðstöðvarinnar Zero og fótboltavalla.
- vinna að fræðslu og forvörnum í sveitarfélaginu í samstarfi við íprótta- og tómsfundafélög og aðra aðila sem málið snertir og stuðla að samræmdum aðgerðum innan sveitarfélagsins að bættri lýðheilsu íbúa, undir formerkjum heilsueflandi samfélags.
- tilnefni í ungmennaráð sveitarfélagsins auk þess að starfa með og leiðbeina ungmennaráðinu. Fær fundargerðir ráðsins til kynningar auk þess sem formanni nefndarinnar er heimilt að sitja fundi ungmennaráðs,

- gera tillögur að heilsueflandi verkefnum eldri borgara í samvinnu við starfsmann Heilsueflandi uppsveita.
- veita styrki og verðlaun fyrir afrek á sviði íþróttá sem veitt eru ár hvert á 17. júní.
- hafa frumkvæði að heilsueflandi viðburðum í sveitarfélaginu svo sem heilsuviku.
- að fjalla um önnur þau mál sem sveitarstjórn felur henni.

### **III. Kafli: Fundir og starfshættir**

#### **5. gr.**

Fjallað er um fundi og fundarsköp í III. kafla samþykktar um stjórn sveitarfélagsins og skal þeim fylgt eftir því sem við á.

#### **6. gr.**

Lýðheilsu- og æskulýðsnefnd getur enga ályktun gert nema meirihluti hennar sitji fund. Verði atkvæði jöfn ræður atkvæði formanns.

Formaður sendir út fundarboð og sendir út þær afgreiðslur sem þurfa þykir að loknum fundi og að fenginni staðfestingu sveitarstjórnar, nema nefndin ákveði annað. Formaður og aðrir nefndarmenn skulu snúa sér til sveitarstjóra með eftirfylgni staðfesta samþykktá nefndarinnar.

Boðað er til funda svo oft sem þurfa þykir og stýrir formaður fundum. Funda skal eigi sjaldnar en fjórum sinnum á ári. Boðað skal til fundar ef að minnsta kosti tveir nefndarmenn óska eftir því enda sé fundarefni tilgreint. Fundarboðun skal almennt vera rafræn og tilgreina fundarstað, tíma og dagskrá. Fundarboð skal sent fulltrúum og öðrum sem seturétt hafa á fundum eigi síðar en tveimur sólarhringum fyrir fund. Hver fulltrúi á rétt á að koma máli á dagskrá fundar, enda skili hann efni þess til formanns a.m.k. þremur sólarhringum fyrir fund.

Til fundar telst löglega boðað hafi allir nefndarmenn, eða varamenn í forföllum þeirra, verið boðaðir með a.m.k. tveggja sólarhringa fyrirvara og þeim jafnframt greint frá dagskrá fundarins. Komi upp mál sem krefst skjótrar úrlausnar getur fyrirvari um fundarboðun verið skemmri ef enginn nefndarmanna mælir gegn því.

Fundir nefndarinnar skulu að jafnaði haldnir fyrir luktum dyrum.

#### **7. gr.**

Rita skal rita fundargerð í tölvu. Fundargerðarbók, afrit af skýrslum og skjölum Lýðheilsu- og æskulýðsnefndar, lög, reglugerðir og erindisbréf skulu vera tiltæk á öruggum stað. Formaður skal sjá um að afrit af fundargerðum nefndarinnar sé send sveitarstjórn til kynningar og/eða samþykktar að loknum hverjum fundi. Nefndarmenn og allir þeir sem eiga seturétt á fundum nefndarinnar skulu einnig fá afrit af fundargerðum hennar. Sveitarstjórnir sjá um birtingu fundargerða nefndarinnar á vef sveitarfélagsins.

Nefndin heldur sértaka trúnaðarmálabók, þar sem skráð er afgreiðsla mála er varða einkahagi og persónuleg mál. Bók þessi skal geymd á öruggum stað, ásamt öðrum þeim gögnum sem varða afgreiðslu slíkra mála. Slík mál skulu ekki skráð í almenna fundargerðarbók nefndarinnar. Ef notast er við rafræna undirskrift skulu allir nefndarmenn undirrita fundargerð með slíkum hætti svo einungis eitt afrit af fundargerðinni verði staðfest.

Um ritun fundargerða fer að öðru leyti eftir samþykkt um stjórn sveitarfélagsins og leiðbeiningum um ritun fundargerða sveitarstjórna, sbr. auglýsingu þess efnis nr. 1181/2021, sem sett hefur verið samkvæmt 2. mgr. 19. gr. sveitarstjórnarlaga.

### **IV. kafli Réttindi og skyldur nefndarmanna**

#### **8. gr.**

Fjallað er um réttindi og skyldur kjörinna fulltrúa í VI. kafla samþykktar um stjórn sveitarfélagsins sem og í IV. kafla sveitarstjórnarlaga nr. 138/2011, II. Kafla stjórnsýslulaga nr. 37/1993, lögum um réttindi og skyldur starfsmanna ríkisins nr. 70/1996, upplýsingalög nr. 140/2012 og lög um persónuvernd og vinnslu persónuupplýsinga nr. 90/2018 og skal þeim fylgt eftir því sem við á.

#### **9. gr.**

Nefndarmönnum er skylt að sækja fundi Lýðheilsu- og æskulýðsnefndar nema lögsmæt forföll hamli. Nefndarmaður tilkynnir forföll til formanns nefndar og boðar sjálfur varamann sinn.

Lýðheilsu- og æskulýðsnefnd er aðeins starfhæf á fundum og skulu nefndarmenn einungis hlutast til um málefni sem eru þar til umfjöllunar nema umboð hafi verið veitt fyrir öðru.

**10. gr.**

Nefndarmaður skal gæta þagnarskyldu um það sem hann fær vitneskju um í starfi sínu og leynt á að fara vegna einka- eða almannahagsmuna samkvæmt lögum eða eðli máls. Þagnarskylda helst áfram eftir að viðkomandi lætur af störfum. Ákvæði þetta gildir einnig um aðra fundarmenn á fundum nefndarinnar. Þeir sem sitja fundi Lýðheilsu- og æskulýðsnefndar skulu undirrita trúnaðaryfirlýsingu. Á nefndinni hvílir einnig upplýsingaskylda til þeirra er mál varða, og skal við það miðað að formaður greini þeim frá úrslitum mála, en ekki aðrir nefndarmenn eða áheyrnarfulltrúar.

**11. gr.**

Nefndarmenn skulu hafa hag sveitarfélagsins að leiðarljósi við störf sín en eru ekki bundnir af öðru en sannfæringu sinni, lögum og samþykktum um stjórn Hrunamannahrepps.

Nefndarmaður skal víkja af fundi og kalla til varamann sinn ef hann tengist einstaklingum eða málum, sem fjallað er um í nefndinni, þannig að spillt geti óhlutdrægni hans og valdið tortryggni. Fjallað er nánar um hæfi til þátttöku í meðferð og afgreiðslu einstakra mála í 17. gr. samþykktar um stjórn sveitarfélagsins.

**12. gr.**

Fundarþóknun skal vera í samræmi við þóknun annarra nefnda á vegum sveitarfélagsins.

Um réttindi og skyldur fer að öðru leyti samkv. IV. kafla sveitarstjórnarlaga nr. 138/2011 og II. kafla stjórnsýslulaga nr. 37/1993.

## **V. kafli Gildistaka**

**13. gr.**

Erindisbréf þetta byggist á ákvæðum sveitarstjórnarlaga nr. 138/2011 um verkefni sveitarfélaga og starfsemi nefnda á þeirra vegum, stjórnsýslulögum nr. 37/1993 og samþykkt um stjórn Hrunamannahrepps nr. 251/2022.

Erindisbréf þetta hefur verið samþykkt af sveitarstjórn Hrunamannahrepps þann 1. nóvember 2023 og tekur þegar gildi.

**Aldís Hafsteinsdóttir**  
**Sveitarstjóri Hrunamannahrepps**